



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

X. Epistola eiusdem ad eundem.

urn:nbn:de:hbz:466:1-41527

Epistola eiusdem ad eundem.

HENRICVS Dei gratia Imp. August. Ruperto venerabili Episcopo & dilecto compatri gratia suæ optimam voluntatem. Quia in custodia Babebergensi per effectum operis nostram implesti voluntatem; magnas tibi grates, sicut optimo fideli nostro referimus. Quod superest, rogamus, & firmiter tibi præcipimus, ut prohibeas, ne eiusdem Ecclesiæ custos alicuius inde aut calumniam in bonis suis patiatur; & illos, qui se de illa custodia beneficiatos asserunt, Episcopali autoritate constringe, beneficia de ipsorum manibus excute, & restitue. Nam id Principum nostrorum decreto indultum atque concessum & confirmatum est, ut nullus Præpositus, vel custos Ecclesiæ, potestatem habeat quidquã de bonis Ecclesiæ in beneficium alicui præstare: Et, si factum fuerit, irritum haberi.

Epistola eiusdem ad eundem.

* Compatri,

HENRICVS Dei gratia Romanor. Imp. August. Ruperto Reuerentissimo, & * patrino suo in Christo dilectiss. gratiam suam, & plurimam in Christo salutem. Cùm præ omnibus maximam habeam in te fiduciam, miror, quod totiens te pro vna eademq; re rogavi, & nihil mihi dignum pro mea spe respondi; præsertim cùm ita nihil vnquam ita sit arduum, quod putauerim abs te mihi denegari. Sed & adhuc iteratas preces ingeminando identidem dilectionis tuæ dulcedinem velim exoratum; ut de custodia Ecclesiæ tuæ inclinatus mihi aurem præbeas, & eam mihi per præsentem nuncium transmittas. Præterea, quia Comes Ou, obiisse dicitur; non aliter te rogo, quam ut reuocem tibi in memoriam, si quid pro amore & voluntate tua, fecerim; ita ut apertè in hac petitione experiar, quæ